

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԿԱՅԻՆ ԵՎ ՄԱՔՍԱՅԻՆ ՄԱՐՄԻՆՆԵՐԻ ԲՈՂՈՔԱՐԿՄԱՆ
ՀԱՆՁՆԱԺՈՂՈՎ**

ՈՐՈՇՈՒՄ N 28/22

ք.Երևան

14 ապրիլի 2023թ.

Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը (այսուհետ նաև՝ Հանձնաժողով), քննության առնելով ՀՀ ՊԵԿ իրավաբանական վարչության պետի Վարչական իրավախախտման գործի վերաբերյալ 01.02.2023թ.-ի թիվ 464143/07 որոշման դեմ «Նոր Բայազետի Բասկետբոլի Ակումբ» ՀԿ-ի (ՀՎՀՀ՝ 08425344) նախագահ Հովհաննես Խզմալյանի դիմում-բողոքը՝

ՊԱՐԶԵՑ

1. Բողոքարկման առարկան, դիմում-բողոքով բերված փաստարկները և ներկայացված պահանջները

«Նոր Բայազետի Բասկետբոլի Ակումբ» ՀԿ նախագահ Հովհաննես Խզմալյանի (այսուհետ նաև՝ բողոքաբեր) դիմում-բողոքում մասնավորապես նշվում է, որ համաձայն չէ վարչական տույժի կիրառման հետ, քանի որ, ինչպես որոշմամբ նշված է, իր նկատմամբ կիրառվել է տուգանք 50 000 դրամի չափով ՀՀ ՎԻՎ Օրենսգրքի 169.26 հոդվածի 2-րդ մասի համաձայն: Ինչպես որոշմամբ նշված է, համաձայն «Հասարակական կազմակերպությունների մասին» ՀՀ օրենքի 24-րդ հոդվածի 2-րդ մասի՝ թերի է հրապարակվել 2021-ի ընթացքում կազմակերպության գործունեության տարեկան հաշվետվությունը: Սակայն իր կողմից մինչև տուգանքի ստանալը մի քանի անգամ ենթարկվել է հաշվետվությունը ճշգրտման: Նշվում է, որ ծանուցագիր ստանալուն պես հաշվետվությունը ճշգրտել է և որոշման մեջ նշված 17.10.2022թ. 489697/07 նախագգուշացման մասին որոշումը չի ստացել և կարծել է, որ իր կողմից ճշգրտված հաշվետվությունը ճիշտ է և վերջնական, սակայն հետագայում պարզվել է, որ ենթարկվել է 50 000 դրամի չափով տուգանքի:

Հաշվի առնելով այն համգամանքը, որ հաշվետվությունը հարկային պարտավորություն չի առաջանում և իր կողմից հնարավորինս փորձել է պատշաճ կատարել ամեն ինչ, խնդրում է անվավեր ճանաչել ՀՀ ՊԵԿ իրավաբանական վարչության պետի 01.02.2023թ. 464143/07 որոշումը:

2. Դիմում-բողոքի քննության համար էական նշանակություն ունեցող փաստերը

ՀՀ ՊԵԿ իրավաբանական վարչության պետի Վարչական իրավախախտման գործի վերաբերյալ 01.02.2023թ.-ի թիվ 464143/07 որոշմամբ (այսուհետ նաև՝ Որոշում) մասնավորապես արձանագրվել է.

ՀՀ ՊԵԿ իրավաբանական վարչության պետը՝ ուսումնասիրելով 01.02.2023 թվականի թիվ 50240 վարչական իրավախախտման վերաբերյալ արձանագրությունը, քննելով թիվ 51377 վարույթը և կից նյութերը, պարզել է, որ «ՆՈՐ ԲԱՅԱԶԵՏԻ ԲԱՍԿԵՏԲՈԼԻ ԱԿՈՒՄԲ» ՀԿ-ի (ՀՎՀՀ 08425344, հասցե՝ Գեղարքունիքի մ, Գավառ, Դաշտոյան փող. 1 նրբ, 20) նախագահ Հովհաննես Խզմալյանը, համաձայն «Հասարակական կազմակերպությունների մասին» ՀՀ օրենքի 24-րդ հոդվածի 2-րդ մասի, թերի է հրապարակել 2021 թ ընթացքում կազմակերպության գործունեության տարեկան հաշվետվությունը, այն է՝ Հաշվետվության 3-րդ կետում լրացված տվյալները՝ կանոնադրությամբ սահմանված գործունեության առարկային և նպատակին չեն համապատասխանում: 2.Կազմակերպությունը հանրային միջոցներից ֆինանսավորվել է 1.000.000 ՀՀ դրամի չափով, սակայն հաշվետվության 9-րդ կետում բացակայում է հանրային միջոցների և ստացման աղբյուրների վերաբերյալ տեղեկատվությունը:

ՀՀ ՊԵԿ Իրավաբանական վարչության պետի 17.10.2022թ-ի թիվ 489697/07 որոշմամբ «ՆՈՐ ԲԱՅԱԶԵՏԻ ԲԱՍԿԵՏԲՈԼԻ ԱԿՈՒՄԲ» ՀԿ-ի նախագահ Հովհաննես Խզմալյանի նկատմամբ կիրառվել է վարչական տույժ՝ նախազգուշացում՝ համաձայն Վարչական իրավախախտումների վերաբերյալ ՀՀ օրենսգրքի 169.26 հոդվածի 1-ին մասի:

ՀՀ ՊԵԿ Իրավաբանական վարչության պետի 17.10.2022թ-ի թիվ 489697/07 նախազգուշացման որոշման մասին իրազեկվելու օրվանից հետո երեսուն օրվա ընթացքում Հովհաննես Խզմալյանի կողմից սույն հոդվածով նախատեսված խախտումը չի վերացվել, ինչի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169.26 հոդվածի 2-րդ մասով:

Հասցեատիրոջը հայտնաբերելու նպատակով ձեռնարկվել են համապատասխան միջոցներ, ինչպես նաև գործում առարկություն կամ բացատրություն առկա չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 244.2, 281 հոդվածներով և 282 հոդվածի 1-ին մասի 1-ին կետով՝ Հովհաննես Խզմալյանի նկատմամբ կիրառվել է վարչական տույժ՝ նշանակվել տուգանք 50.000 (հիսուն հազար) դրամի չափով՝ համաձայն Վարչական իրավախախտումների վերաբերյալ ՀՀ օրենսգրքի 169.26 հոդվածի 2-րդ մասի:

3. Բողոքարկման առարկային վերաբերվող իրավական կարգավորումներ և եզրահանգումներ

«Հասարակական կազմակերպությունների մասին» ՀՀ օրենքի 24-րդ հոդվածի 2-րդ մասի համաձայն՝ Կազմակերպության գործունեության տարեկան հաշվետվությունը ներառում է հետևյալ տեղեկատվությունը.

1) Կազմակերպության լրիվ անվանումը, հարկ վճարողի հաշվառման համարը (ՀՎՀՀ), գտնվելու վայրը (ենթակա է հրապարակման կազմակերպության կողմից համապատասխան նշման դեպքում), պետական գրանցման համարը, տարին, ամիսը, ամսաթիվը, հեռախոսահամարը, էլեկտրոնային փոստը և պաշտոնական ինտերնետային կայքը (առկայության դեպքում)։

2) գործադիր մարմնի ղեկավարի անունը և պաշտոնը։

3) կանոնադրությամբ սահմանված գործունեության առարկան և նպատակները։

4) Կազմակերպության անդամների (հաշվետու տարվա դեկտեմբերի 31-ի դրությամբ), ինչպես նաև այն կամավորների (հաշվետու տարվա ընթացքում) թիվը, որոնց աշխատանքի տևողությունը գերազանցում է շաբաթական 20 ժամը։

5) հաշվետու տարվա ընթացքում գումարված ժողովների քանակը։

6) հաշվետու տարվա ընթացքում իրականացված ծրագրերի անվանումը և համառոտ նկարագրությունը (վայր, նպատակ, կարգավիճակ)։

7) տարեկան մուտքերի (դրամական և (կամ) գույքային) ընդհանուր գումարը։

8) օգտագործված դրամական միջոցները և (կամ) շարժական, անշարժ գույքը։

9) հաշվետու տարվա ընթացքում Կազմակերպության կողմից ձեռնարկատիրական գործունեություն իրականացնելու տեսակի և դրա արդյունքում ստացված շահույթի օգտագործման վերաբերյալ տեղեկատվությունը։

Նույն հոդվածի 3-րդ մասի համաձայն՝ այն Կազմակերպությունները, որոնց գույքի ստացման աղբյուրը հաշվետու տարվա ընթացքում հանդիսացել են հանրային միջոցները (պետական կամ համայնքային միջոցները), ապա նրանց գործունեության տարեկան հաշվետվություններում սույն հոդվածի 2-րդ մասով նախատեսված տեղեկատվությունից բացի, ներառում է՝

1) հանրային դրամական միջոցներով իրականացվող ծրագրի անվանումն ու վայրը, ծրագրի կարգավիճակը (ավարտված կամ ընթացքի մեջ) և տեղեկատվություն դրանց մասին (նպատակ, հիմնական արդյունքներ)։

2) հանրային դրամական միջոցների տարեկան մուտքերի (դրամական և (կամ) գույքային) ընդհանուր գումարը՝ ըստ ստացման աղբյուրների։

3) հանրային դրամական միջոցների և (կամ) տրամադրված գույքի օգտագործումը, ծախսերը։

Իր հերթին, «Վարչական իրավախախտումների վերաբերյալ» ՀՀ օրենսգրքի 169.26-րդ հոդվածի համաձայն՝

Հիմնադրամների կողմից հաշվետվությունը թերի հրապարակելը կամ օրենքով սահմանված կարգով և ժամկետներում հիմնադրամների կողմից հաշվետվությունը չհրապարակելը՝ առաջացնում է նախազգուշացում հիմնադրամների պաշտոնատար անձանց նկատմամբ։

«Հասարակական կազմակերպությունների մասին» Հայաստանի Հանրապետության օրենքով նախատեսված պարտադիր հրապարակման ենթակա հաշվետվությունը թերի հրապարակելը, օրենքով սահմանված կարգով և ժամկետներում չհրապարակելը առաջացնում են նախազգուշացում հասարակական կազմակերպության իրավասու պաշտոնատար անձանց նկատմամբ:

Օրենքով սահմանված կարգով նախազգուշացվելուց հետո՝ 30 օրվա ընթացքում, հասարակական կազմակերպության կողմից Հայաստանի Հանրապետության կառավարությանն առընթեր պետական եկամուտների կոմիտեի պահանջը չկատարելը՝ առաջացնում է տուգանքի նշանակում՝ հասարակական կազմակերպության իրավասու պաշտոնատար անձանց նկատմամբ՝ սահմանված նվազագույն աշխատավարձի հիսնապատիկի չափով:...

«Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի 1-ին մասի համաձայն՝ Վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

Ուսումնասիրելով դիմում-բողոքով ներկայացված՝ վարչական իրավավիստման գործի վերաբերյալ ծանուցագիր ստանալուն պես հաշվետվությունը ճշգրտվելու և որոշման մեջ նշված թիվ 489697/07 նախազգուշացման մասին որոշումը չստանալու վերաբերյալ բողոքաբերի պնդումները և վարույթում առկա բոլոր փաստաթղթերը, Հանձնաժողովը հայտնում է, որ քննարկվող դեպքում վարչական վարույթում առկա չէ ՀՀ ՊԵԿ Իրավաբանական վարչության պետի 17.10.2022թ-ի թիվ 489697/07 որոշումը «Նոր Բայազետի Բասկետբոլի Ակումբ» ՀԿ-ի նախագահ Հովհաննես Խզմալյանի կողմից ստանալու փաստը հավաստող ապացույց, որի մասին իրազեկվելու օրվանից հետո միայն երեսուն օրվա ընթացքում Հովհաննես Խզմալյանի կողմից համապատասխան խախտումը չվերացվելու պարագայում միայն կարող էր վարչական վարույթ հարուցվել 169.26 հոդվածի 2-րդ մասի հատկանիշներով:

Հաշվի առնելով վերոնշյալը, մասնավորապես Հովհաննես Խզմալյանի կողմից վարչական իրավավիստման գործի վերաբերյալ 17.10.2022թ.-ի թիվ 489697/07 որոշումը չստանալու հանգամանքը (ապացույց առկա չէ) և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 59-րդ հոդվածի 2-րդ մասով սահմանված դրույթները, համաձայն որի՝ «... Գրավոր վարչական ակտը, ընդունումից հետո՝ եռօրյա ժամկետում, պետք է հանձնվի վարույթի մասնակիցներին: Դա կարող է իրականացվել պատվիրված փոստով, այդ թվում՝ ստանալու մասին ծանուցմամբ, հասցեատիրոջը ստորագրությամբ առձեռն հանձնելու, ինչպես նաև հանձնման այնպիսի եղանակներով, որոնք թույլ են տալիս հաստատել հասցեատիրոջ կողմից ակտը ստանալու կամ օրենքով սահմանված դեպքերում պատշաճ ծանուցված լինելու փաստը:», Հանձնաժողովը գտնում է, որ ՀՀ ՊԵԿ ԻՎ վարչական իրավավիստման գործի վերաբերյալ 01.02.2023թ.-ի թիվ 464143/07 որոշման դեմ

«Նոր Բայազետի Բասկետբոլի Ակումբ» ՀԿ նախագահ Հովհաննես Խզմալյանի դիմում-բողոքը ենթակա է բավարարման:

4. Եզրափակիչ մաս

Ելնելով քննության արդյունքներից և ղեկավարվելով Հայաստանի Հանրապետության հարկային օրենսգրքի 20-րդ բաժնով, «Մաքսային ծառայության մասին» Հայաստանի Հանրապետության օրենքի 37-րդ հոդվածով, Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը

ՈՐՈՇՈՒՄ Է՝

«Նոր Բայազետի Բասկետբոլի Ակումբ» ՀԿ-ի նախագահ Հովհաննես Խզմալյանի դիմում բողոքը բավարարել՝ անվավեր ճանաչել ՀՀ ՊԵԿ իրավաբանական վարչության պետի ի Վարչական իրավախախտման գործի վերաբերյալ 01.02.2023թ.-ի թիվ 464143/07 որոշումը:

Սույն որոշումն ուժի մեջ է մտնում իրազեկելուն հաջորդող օրվանից:

4/19/2023

X 

ԱՐՏՅՈՒ ՍՄԲԱՏՅԱՆ

ՀԱՆՁՆԱԺՈՂՈՎԻ ՆԱԽԱԳԱՀ՝

Signed by: SMBATYAN ARTYOM 3210860416

ԱՐՏՅՈՒ ՍՄԲԱՏՅԱՆ